

Описание Кавказской Выставки Предметовъ Сельскаго Хозяйства и Промышленности въ городѣ Тифлисѣ въ 1889 году. Выпускъ первый. Тифлисъ 1890 г. Типографія А. А. Михельсона, 4-аѣдл. 400 երես, գինը 2 բուրլի: (1889 թուի Կովկասեան արդիւնահանդէսի նկարագրութիւնը):

Կովկասեան արդիւնահանգէսը, որ տեղի ունեցաւ անցեալ տարի Թիֆլիսում, մնացած էր մինչև այժմ առանց մասնագիտական նկարագրութեան և քննութեան: Կովկասի Գիւղատնտեսական Ընկերութիւնը այժմ լոյս է ընծաւել նկարագրութեան առաջին հատորը, որ բաղկացած է 400 երեսից: Շատ ուրախալի է այդ գրքի երևալը: Նա մի կողմից ներկայանում է հասարակութեան և պետութեան առաջ՝ իբրև մի տեսակ հաշիւ արած գործերի և միւսած գումարների մասին, իսկ միւս կողմից նա տալիս է վաղուց սպասւած և ցանկալի գնահատութիւն արդիւնահանդէսի բաժիններին:

Ցուցահանդէս կազմողները նպատակ էին դրել պարզելու տեղական գիւղատնտեսութեան և արդիւնագործութեան արդի դրութիւնը և կարծիքները, ծանօթացնելու հետաքրքրողներին տեղական արդիւնաբերութեան օրինակների հետ, տեղական արդիւնագործողների մէջ շարժել եռանդ և մրցում և ծանօթացնելու այդ արդիւնագործողներին կատարելագործած գործիքների և աւելի նուրբ ու կատարեալ արդիւնաբերութիւնների հետ:

Գիւղատնտեսական Ընկերութեան լոյս ընծաւած գիրքը այժմ է մաս

սամբ պարզի մեզ համար թէ մինչև որ աստիճան Ընկերութիւնը հասած է իրան համարում իւր մտադրածին:

Ներկալ առաջին հատորը պարունակում է հետեւալ գլուխները: Ա) Կովկասեան արդիւնահանգէսը կազմելու միջոցների տեսութիւնը: Բ) Կարգադրիչ Մասնաժողովի անձնական կազմութիւնը: Գ) Պարգևատացների ցուցակը: Դ) Պարգևների հանդիսաւոր հրատարակումը: Ե) Ճառախօսութիւնները: Ձ) Արդիւնահանդէսի դրամական հաշիւը: Է) Հանդիսաբերների, ցուցառարկանների և պարգևների մասին վիճակագրական թւերը: Ը) Լեռնային բաժնի նկարագրութիւնը: Թ) Անտառաբանական բաժնի նկարագրութիւնը: Ժ) Երկրագործական գործիքների և մեքենաների բաժնի նկարագրութիւնը և փորձառական լանձնաժողովի զեկուցումը և Կ) Այգեգործական ու պարտիզպանական բաժնի նկարագրութիւնը:

Առաջին լօղածը պատկանում է Գիւղատնտեսական Ընկերութեան փոխ-նախագահ Կուչաեւին, որ աշխատում է կարճ կերպով ծանօթացնել արդիւնահանդէսը կազմելու նպատակները և նորան իրագործելու միջոցների մասին: Իւր լօղածի վերջում նա բնորոշում է արդիւնա-

հանդէսը հետեւեալ ընդհանուր գծերով:

Առաջին Կովկասեան գիւղատընտեսական և արդիւնագործական հանդէսը սղմած կերպով ներկայացրեց Կովկասի բնական հարստութիւնների և նորա արդի արգաւանդութեան լիակատար և բազմերանգ պատկերը: Նորա ամենալն մի բաժինը կրելով իւր վերաջ առանձնակի բնաւորութեան կենթը, միևնոյն ժամանակ հպատակւած էր խիստ համակարգութեան:

Արդիւնահանդէսի կրթական նշանակութիւնը չէր սպառուում ալն տեղեկութիւններով, որ իւրաքանչիւր լաճախորդ կարող էր ստանալ կատարելագործւած արդիւնագործութիւնը տեսնելուց, ալնտեղ. բացի ալ՝ մասնագիտական տեղեկութիւններ և գիտութիւն էին մատակարարում՝ արդիւնահանգէսում տեղի ունեցած դասախօսութիւնները, զանազան բաժինների վերաբերեալ փորձերը և ցուցերը:

Զի կարելի ասել, որ Կովկասեան արդիւնահանգէսը չունէր ե իւր պակասութիւնները: Հանդիսաբերների կենդանի ինքնուրոյնութեան օրինակներ արդիւնահանգէսը քիչ տուց:

Գիւղական դասակարգերը բաւականաչափ հետաքրքրւած չէին արդիւնահանգէսի գաղափարով: Գորա պատճառը մասամբ ալն վիատութիւնն էր, որ տիրել էր երկրին՝ անբերրիութեան, խաղողագործի հիւանդութիւնների, կալածքների պարտքի տակ ընկնելու և ուրիշ նոյնատեսակ հանգամանքների շնորհիւ, իսկ մասամբ բնիկների և առաւելապէս մահմեդականների սառնասրտութիւնը և

անշարժութիւնը: Մահմեդական ժողովուրդը, որ կազմում է Անգրկովկասի 40%, և որին պատկանում է երկրի հողալիւն լաւ մասը, չատ է աւանդական իւր բոլոր գործառնութիւնների, իւր նիստ ու կացի մէջ. Սև ալը հանգամանքի արսափալուսն էին նորա հանդէս բերած ցուցառարկաները:

Նշանաւոր են Զօրջաձէի խօսքերը Կովկասի գինու արդիւնաբերութեան մասին. նա ասաց. «ափսոս դեռ չենք կարող պարծենալ գինեգործութեան արդի դրութիւնով, որովհետև մեր երկիրը, որ համարեա թէ հաւասար է Ֆրանսիայի գինեգործական մասին, արտադրում է տարեկան միայն 10 միլիօն վեղրօ դինի, մինչդեռ Ֆրանսիան, որ երկրագնդիս բոլոր շուկաներում պատւաւոր տեղ է բռնել իւր գինիներով, նոյն իսկ Ֆիլոքսերան երևալուց լետ, ունի տարեկան 300 միլիօն վեղրօ: Մեր երկիրն էլ կարող է հասնել ալդ 300 միլիօնին. և ալն ժամանակ ալդ խոշոր գումարը կը բաշխւի մեր բոլոր երկրին և իւրաքանչիւր նոր բուբլին կը հասնի և մեր գիւղացուն: Երկրի համար մեծ բարիք է ալնպիսի արդիւնաբերութեան զարգացումն, ուր աշխատանք և դրամը չեն կենդրոնանում, ալ բաժան բաժան են լինում շատ աշխատաւորների վերաո:— Կովկասեան արդիւնահանգէսը ցուց տուց, որ շերամապահութիւնը, որ գտնւում էր վերջին ժամանակներս ընկած դրութեան մէջ, ալժամ զարթնել է անշարժութիւնից և անում է նշանաւոր քաջեր դէպի առաջ:— Կովկասը, որ իւր բնական հարուստ արօտներով բռնում է

աշխարհումս գուցէ առաջին տեղը, դեռ քիչ ունի բարեկարգւած կաթնատնտեսութիւն (լուղագործութիւն և պանրագործութիւն), վերջինս կատարելագործւած ձկներ է ստացել միայն մի քանի դաստակերտներում, ինչպէս Կուչենքայի կալւածքում։ Արդիւնահանդէսը ցուց տեց, որ Կովկասի ժողովուրդը լամենայն դէպս սկսել է նկատելի կերպով հետաքրքրւել կաթնատնտեսութեան զարգացումի խնդրով։ Նրկարգործութիւնը, ալգեգործութիւնը և պարտիզպանութիւնը, թէև տալիս են բաղմատեսակ արմախք, բայց քիչ են արդիւնաբերում աղպիսի առարկաներ, որոնք մեծ վաճառա-արդիւնագործական նշանակութիւն ունին։

Ամխիթարական է, որ արդիւնահանդէսի նպատակը լաւ չէր հասկացւած երկրի զանազան մասերում։ Մի քանի գործակալներ ջանք էին դրել ոչ ալեքան ժողովրդի մէջ հետաքրքրութիւն զարթեցնելու դէպի արդիւնահանդէսի նպատակները, որչափ ժողովել ըստ կարելիութեան բաղմաքանակ առարկաներ, չը բացատրելով ըստ աչնմ արդիւնաբերողների անունները և ցուցառարկաների ներքին տնտեսական բնաւորութիւնը։ Այդ էր պատճառը, որ շատ ցուցառարկաներ ամենին գնահատութեան չ'ենթարկեցին, Շատ ցուցառարկաներ ուղարկւած էին, շնորհիւ վատ կապելուն և տեղաւորցնելուն, փչացած, խանգարւած դրութեան մէջ, ալնպէս որ նոքա կամ հանում էին գնահատութիւնից կամ խսպառ ոչնչացնում։ Կովկասի մի քանի տեղից ուղարկւած ցուցառար-

կաների համար նշանակւած էին աղպիսի մեծ գներ, որ նոցա գնող ամենին չէր կարող լինել արդիւնահանդէսում։ Այդ տեսակ էին ի միջի ալլոց Նրևան քաղաքից ուղարկածները։ Առհասարակ պէտք է նկատել, որ մի քանի տեղեր, որոնց թւում և Նրևանեան նահանգը, որ ալնպէս հարուստ է իւր բնութիւնով և ունի աշխատասէր ժողովուրդ, կարծես ձգտել էր իւր ցուցառարկաներով գործել կեղծ աղքատութեան և արդիւնագործական չքաւորութեան տպաւորութիւն։ Ինչ վերաբերում է գեղջկահաստի առարկաներին, պէտք է ասել, որ թէև ուղարկւած էին մի քանի հազար կոոր արդիւնք, որ պատկանում էին գոնէ 800 անձի, բայց ալք քանակութիւնից շատ քիչն էր ուղարկւած ուղիղ արդիւնաբերողի ձեռքով, ալ ժողովւած էին տեղական վարչութիւնների միջոցով։

Կուչանը վերջացնում է իւր կարճ լուծածը լատենով ցանկութիւն, որ արդիւնահանդէսը դառնար գիւղատնտեսներին միմեանց հետ կապելու մի ող։

Առանձին բաժինների նկարագրութիւնը, որ ներկայացրած է գրքում, արժանի է մանրամասն ուսումնասիրութեան։ Նոցա մասին լիակատար գաղափար կաղմնու համար, պէտք է սպասել գրքի երկրորդ հատորին, որ երևի շուտով տպագրութեան կը լանձնւի։ Այստեղ առաջ բերենք մի աղիւսակ արդիւնահանդէսի մասնակցածների մասին, որի մանրամասնութիւնները ընթերցողը կը գտնի գրքի մէջ։

Ազգ- Ռուս	Ընդամենը				
	Անդրկովկ., Հիւս. կովկ.,	Կովկասում,	Կովկ. դուրս,	Համագումարը	
	204	277	481	18	499
	953	496	1449	57	1506
Հայ	617	9	626	6	632
	1809	32	1841	9	1850
Վրացի	342	1	343	—	353
	960	14	974	—	974
Թուրք	553	32	585	28	613
	1505	89	1594	129	1723
Գերմանացի	100	39	139	21	160
	360	78	438	67	505
Ֆրանսիացի	28	—	28	—	28
	303	—	303	—	303
Յուդ	3	—	3	—	3
	5	—	5	—	5
Ընդամենը	1847	358	2205	73	2278
	5895	709	6604	262	6866

Թւանշանները աշտեղ նշանակած են և գծից վերև և գծից ներքև, Գծից վերևները նշանակում են հանդիսաբեր անձերի թիւը, իսկ գծից ներքևները նոցա ուղարկած ցուցառարկաների թիւը:

Եթէ վարչութիւնների, ոստիկանութեան միջամտութիւնը չը լինէր, արդեօք, ինչ չափով ինչ ազդութիւն մասնակցած կը լինէր արգիւնահանգէսին:

Քլ.

ՆՈՐ ՍՏԱՅԻԱԾ ԳՐԳԵՐ

1) DASHIAN, P. J., Mitglied der Mechitaristen-Congregation in Wien.-Zur Abgar-Sage. (Separatabzug aus der Wiener Zeitschrift für die Kunde des Morgenlandes, IV. Band, Heft 1, 2, 3).

2) ԳՐԻԳՈՐԵԱՆՑ, ԳՐԻԳՈՐ քահանայ.—«Ձարկեարի քնարը». բանաստեղծութիւններ, Երկրորդ տպագրութիւն, Բագու, տպարան Տէր-Յովհաննիսեանցի, 1890 թ., գինն է 60 կոպէկ:

3) КАЛАНТАРЪ, АЛЕКСАНДРЪ.—«Состояние Скотоводства на Кавказѣ». Рогатый скотъ. (Изъ II. тома «Материаловъ для устройства пастбищъ и для изученія скотоводства на Кавказѣ»). Тифлисъ, 1890 г. Типографія А. Михельсона.

4) ՏԷՐ ՍԱՐԳՍԵԱՆՑ, ՄԱԿԱՐ.—«Հայկական գեղագրութեան օրինակներ, Ս. Պետերբուրգ, 1890 թ. գինն է 35 կոպէկ:

5) ՏԷՐ-ՍԱՐԳՍԵԱՆՑ, ՄԱԿԱՐ.—«Օժանդակ կրթութիւններ հայկական գեղագրութեան օրինակների». Հալոց ուսումնարանների համար. Երևան, 1890 թ., տպարան Էմին Տէր-Գրիգորեանցի, գինն է 3 կոպ.